

«Երևանի պետական համալսարան» հիմնադրամի Բջևանի մասնաճյուղը (այսուհետ՝ ԵՊՀ ԻՄ) ի դեմս տնօրենի պաշտոնակատար Ա. Մակարյանի որը գործում է կանոնադրության հիման վրա, և Հայկական Կարմիր խաչի ընկերություն Տավուշի մարզային մասնաճյուղը (այսուհետ՝ Ընկերություն), ի դեմս գործադիր տնօրեն Մ. Եղիկյանի, որը գործում է Ընկերության կանոնադրության հիման վրա (այսուհետ՝ Կողմեր), կնքեցին սույն հուշագիրը (այսուհետ՝ Հուշագիր) հետևյալի մասին.

### 1. Հուշագրի առարկան

1.1. Հուշագրի առարկան Կողմերի համագործակցության նպատակի, գործընկերության հիմնական ուղղությունների սահմանումն է:

1.2. Կողմերը, համապատասխանաբար կնքելով սույն համագործակցության հուշագիրը, ամրագրում են սահմանված նպատակի հասնելուն ուղղված իրենց պատրաստակամությունը: Սույն հուշագիրը միջոցների հատկացման պարտավորագիր չէ: Այն ցանկացած Կողմի համար օրենքով պարտադրվող պարտավորություն չի համարվում, կամ իրավունքներ չի տրամադրում որևէ այլ Կողմի համար:

### 2. Հուշագրի նպատակը և համագործակցության հիմնական ուղղությունները

2.1. Հուշագրի նպատակը Կողմերի միջև գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

2.2.1. համատեղ ծրագրերի իրականացում, միջոցառումների կազմակերպում:

2.2.3. ուսանողների պրակտիկաների կազմակերպում և անցկացում,

2.2.4. համատեղ ժողովների կազմակերպում,

2.2.5. ՀՀ Տավուշի մարզի միայնակ առավել խոցելի տարեցների, երեխաների ու երիտասարդների, անհայտ կորածների ընտանիքների, անապահով ընտանիքների, խոցելի համայնքների այցերի իրականացում,

2.2.6. ծրագրերի իրականացմանն ուղղված երիտասարդների հավաքագրմանը, տեխնիկական միջոցների տրամադրմանը, տեղեկատվության տարածման աջակցում,

2.2.7. բազմաբովանդակ համագործակցություն՝ միտված միջազգային մարդասիրական իրավունքի ոլորտում կրթության և հետազոտական գործունեության խթանմանը,

2.2.8. ԵՊՀ ԻՄ ուսանողների և պրոֆեսորադասախոսական կազմի ներգրավվում միջազգային մարդասիրական իրավունքի հիմնախնդիրների քննարկմանը նվիրված միջոցառումներին,

2.2.9. սույն Հուշագրի շրջանակներում այլ գործողությունների իրականացում:

### 3. ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՍԿԶԲՈՒՆՔՆԵՐԸ

3.1. Կողմերը պարտավոր են առաջնորդվել համագործակցության հետևյալ հիմնական սկզբունքներով.

➤ փոխադարձ վստահություն,





- պատասխանատվություն,
- պարտաճանաչություն,
- որակի վերահսկում
- փոխըմբռնում և փոխզիջում,
- թափանցիկություն,
- համագործակցություն:

#### 4. ԵԶՐԱՓԱԿԻՉ ԴՐՈՒՅԹՆԵՐ

- 4.1. Հուշագիրն ուժի մեջ է մտնում Կողմերի ստորագրման պահից և գործում է անժամկետ:
- 4.2. Սույն Հուշագրի ցանկացած փոփոխություն կատարվում է գրավոր և դառնում նրա անբաժանելի մասը:
- 4.3. Հուշագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:
- 4.4. Սույն Հուշագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:
- 4.5. Սույն Հուշագիրը կնքվում է երկու բնօրինակից, հայերեն լեզվով, յուրաքանչյուր Կողմին տրվում է մեկական օրինակ:

#### 5. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ

|                                                                                                                                                                                                                                                                 |                                                                                                                                                                                                                                                                                                                                 |
|-----------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>«Երևանի պետական համալսարան» հիմնադրամի<br/> Իջևանի մասնաճյուղ<br/> Հասցե՝ Տավուշի մարզ, ք. Իջևան<br/> Ուսանողական 3<br/> Տնօրենի պաշտոնակատար՝<br/> Ա. Մակարյան  Կ.Տ.</p> | <p>Հայկական Կարմիր խաչի ընկերություն<br/> Տավուշի մարզային մասնաճյուղ<br/> ք. Իջևան Արշակյան 14<br/> Գործադիր տնօրեն<br/> Մարո Եղիկյան  Կ.Տ.<br/> </p> |
|-----------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|